

Piôrd z nieba

A mariczné! Jejkù sejkù!
Jaż mie rózk tobaczny wëpòdł!
Hewò we czwiòtk, ò przepòłnim
Zwãk wëstrasził wszëtczich dzywny

Trzòsk jak grom z jasnégò nieba
Zrobił pòrèch na Kaszëbach
Wnetk sã zatchna internetë:
Cëż to ba? I z taczim rëkã...

Fest zbùgrowa. Dzewałt w lëfca...
Autół przescygnął Agnieszce
Mësla, co dze wjacha w dzurã
Z taczim pòtka sã rëmórã...

Psëska sã zataca w nórtach
Dzeczë wskòknãłë do łózka
A niesmiałi jeden Bielsczy
Trzë ùrzasłë haps! Białeczczci

Same garna sã w remiona...
Ba to òd jaczégò drona?
Midzi gwësno! Ef szesnôsce!
NATO pùsca sã pò Pòlsce,

Cobë ùdokaznic wszëtczim,
Jaczi z nima są bezpieczny...
Wòjskò minã mò krëjamną
Pòòbstawia pùstczi armią

Rząd za grëbi dëtk z pòdatków
Nóm pòcztowé kistczi zapchòł
Ksążëczkama, dze nas stròszò,
Co nas cëzy ùpitoszą,

Bò czej człowiek wcyg sã bòji -
Je nôlepsi do rządzeniô!
Szkòda, co jem trzòskù nie czuł
Zamkłi z ksążką w bibliotece...

Tómk Fópka, Lëzëno, 22 stëcznika 2026 rokù, gòdz. 6.36 p.p.